

A SA MADONNA DE SU RIMEDIU

Maria ses Reina e ses'Istella,
Anghelos Ti corteggian notte e die,
rosa tra sos fiores pius bella
in candidesa superas su nie.

Aurora ch'in firmamentu rie
virtuosa e pura verginella
innalzo custu cantu deo a Tie,
Rocca de fortilesa ite novella.

Giocunda e umile in coro
immune de peccadu e senza ne
nobile tue sese unu tesoro.

Eva novella su mundu Ti giamma
Rimediu de s'afflitta umanidade
salve, o Maria, salve, o Mamma.

{ Violetta Wascetta }

A MARIA VERGINE S.S.

Amore de s'Ispiridu Divinu
ses Maria de grazias piena,
Mamma de su Deus Unu e Trinu,
albure nada in badde amena.

Ricca de donos Tue ses sa vena
immensu de fiores ses giardinu;
as superadu bellezza terrena,
de chelu ses fragrante gelsominu.

Es Maria in sa Corte celestiale
coronada de gemma risplendente
opera de s'Artefice Immortale.

Rosas margheritas de candore
tulipanos lizzos e gravellos
esaltent oe a tie cun amore.

(*Stietta Waszka*)

L A M E N T U

Su puzzone cantende,
cun dulce linguaggiu,
annunzia ridente su eranu;
feghed'a cumprende
chi vicinu est maggiu:
gentiles fiorese ada in manu.
E deo osservo ebbia
sa trista e penose vida mia.

Variados colores
tessid'ha sa natura
chi delizia formana in su coro;
ma chie ha dolores
affannu e tristura
nudda godi de custu tesoro;
ende arriva maggiu
pienu de disgustu e de disaggiu.

In s'apposentu sola
m'indisto notte e die
che turture in gabbia serrada.
Su pensamentu ola
su coro pius non rie
bidindemi goi abandonada;
e cun flebile oghe
su piantu m'accorad'innoghe.

Ancora in birdes annos
cando sa maladia
ha fattu in me assentamentu:
non conoschia affannos
e mancu bi pensa
chi tantu duru fu su patimentu.
Como app'osservadu
chi a patide puru est cumandadu.

E cantu lu disizzo
de essede sanada
cun su coro pienu de allegria;
eppuru minde abbizzo
chi non so sollevada;
de continu est sa mia maladia:
e so' vintises'annos
in mesu a dolores e affannos.

(Violetta Wasusta)